



Isalathiso: 20200320-612  
Inombolo yefayili: 12/2/10/3  
Imibuzo: LR Abrahams

INGcaciso eMfutshane yeCandelo loPhuhliso noQuquzelelo lweZiko: 0003/2020

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kuBaphathi beeSekethe, kwiiNqununu nakooTitshala

**Isihloko: Ukuhlaziywa kwengcaciso kwiCEMIS nokuzaliswa kwesaveyi yasekhompyutheni**

1. Kula maxesha angaqhelekanga, iSebe leMfundo leNtshona Koloni (iSebe iWCED) lingwenela ukubulela inqununu nganye, utitshala ngamnye nelungu lebhunga lolawulo ngalinye elifumana iindlela ezinobuchule zokunika inkxaso ekufundiseni ngeli xesha yaye siqwenela ukuqwalasela umsebenzi wokuzinikela okwenziwa ngumntu wonke onika inkxaso kwabanye. Oku kubandakanya nabo bakummandla kafayayo ekulweni lo bhubhane nokusigcina sisebenza yaye siqhubela phambili.
2. Unxibelelwano lubaluleke gqitha kumaxesha anje yaye inqununu idlala indima ephambili ekuqinisekiseni ukuba le ngcaciso ilandelayo ifakiwe ekhompyutheni kwiCEMIS yaye ichaneke nge-100%.
3. Kucelwa iinqununu ukuqinisekisa ukuba le ngcaciso ilandelayo ihlaziywa **ngokungxamisekileyo kwiCEMIS ungadlulanga uLwesihlanu, we-24 Apreli 2020:**
  - 3.1 Makutshekishwe yaye kuhlaziywe ngokungxamisekileyo iinkcukacha zikatitshala ngamnye, iselula nedilesi ye-imeyili yakhe. ISebe iWCED linenjongo yokungenisa ii-*Microsoft Teams* (isistim eyiphakheji yeendibano ngevidiyo) kuzo zonke izikolo. Oku makuquke ukungena kwisistim yasekhompyutheni i-Office 365 online. (Kuya kwabelwana ngezinye iinkcukacha ekuhambeni kwexesha.)
  - 3.2 **Okungxamisekileyo: Yiselula nedilesi ye-imeyili yomfundi weBakala 12:**  
Kubaluleke gqitha ukuqinisekisa ukuba kufakwa ekhompyutheni kwiCEMIS iinkcukacha zoqhagamshelwano ezichanekileyo ukuqinisekisa ukuba iSebe iWCED lingamazisa umfundi nomzali ngokubalulekileyo okwenzekayo. Oku kuya kubaluleka kwakhona ukwazisa abafundi ngezinto zokunika inkxaso yokufunda ezicwangcisiweyo nokubhalisela uviwo lweSatifikethi seMatriki sikaZwelonke (*National Senior Certificate*) (NSC) ekuhambeni kwexesha.

3.3 Iisela needilesi zee-imeyili zabafundi beBakala 10 no-11 kufuneka kwakhona zihlaziye ngokungxamisekileyo ekuhambeni kweveki ezayo. Le datha ikwiCEMIS ayigcinwanga kakuhle yaye kufuneka ihlaziye.

3.4 Apho abafundi bangenancukacha zoqhagamshelwano, iinkcukacha zoqhagamshelwano zingazezo zomzali/zesizalwane esinokudlulisela umyalezo kumfundi.

4. **Isaveyi yasekhompyutheni mayenziwe ziinqununu nootitshala.**  
**Umhla osikiweyo: kungolwesihlanu, we-24 Apreli 2020:**

4.1 ISebe iWCED lifake isandla kwizibonelelo zoncendo ezininzi ezibambekayo nezasekhompyutheni ukunika inkxaso ekufundiseni ngeli xesha.

4.2 Uninzi lwezikolo nootitshala beza nezisombululo ezifana zodwa nezizale mihla zokufikelela kubazali kunye/okanye kubafundi ekubanikeni inkxaso ngeli thuba lokumiswa ngxi kwezinto (*lockdown period*).

4.3 Nakuba kunjalo, umbuzo emawubuzwe ngowokuba, ingaba la manyathelo anempumelelo yaye ayafikelela kwabo kujoliswe kubo.

4.4 Injongo yeesaveyi kukuqokelela idatha eya kwazisa iSebe iWCED ukuba ezi ngame ingaba ngenene ziyimpumelelo.

4.5 Iisaveyi kwakhona kufuneka kwakhona zinike imbono ngendlela iKomiti zoLawulo lweSikolo (*School Management Teams*) (*SMT*) nootitshala abaphendule ngayo kule meko ifana yodwa neyeyona ndlela ibhetele yokuqhubela phambili kunikwa inkxaso ekufundeni. Oku kungangqinwa njengokuluncedo kakhulu kwiSebe iWCED yaye kunokwabelwana ngeembono nezinye izikolo kunye nootitshala ngeli xesha nakwixesha elizayo.

4.6 Abaphathi beesekethe nabacebisi ngezifundo banikwe umsebenzi wokusasaza iilinki kwiisaveyi kuzo zonke iinqununu nabaya kuthi, emva koko, bazisasaze kootitshala. Iisaveyi **mazizalisiwe ungadlulanga uLwesihlanu, we-24 Apreli 2020.**

4.7 Iilinki ziya kufana zodwa kwisithili ngasinye njengoko igama lesikolo ngasinye kwisithili lifakwa iinkcukacha kwisaveyi.

4.8 IiNqununu zinokulindela iilinki kwezi saveyi zintathu zilandelayo:

• **KWILINKI YESAVEYI YEZOLAWULO YE-SMT YENQUNUNU**

Iya kuzaliswa kuphela yinqununu okanye lilungu le-SMT eligqithiselwe amagunya.

• **KWILINKI YESAVEYI YE-GET YEBAKALA R-9** (Yootitshala)

• **KWILINKI YESAVEYI YE-FET YEBAKALA 10-12** (Yootitshala)

- 4.9 Okuqulethwe zisaveyi kuyimfihlo yaye akusayi kubakho zinkcukacha zabathathinxaxheba zivezwayo okanye zichazwayo.
5. Kucelwa wazise okukule ngcaciso imfutshane bonke abachaphazelekayo ukuze bakuthathele ingqalelo.

**ISAYINWE:** NGU-HA LEWIS

**USEKELA MLAWULI-JIKELELE: WOPHUHLISO NOQUQUZELELO LWEZIKO**

**UMHLA:** 2020-04-19